

# PROSPEKTUS TAMBAHAN



**Tabung**  
**AMANAH SAHAM KEDAH**

(Ditubuhkan Pada 27 Februari 1995)

**Syarikat Pengurusan**  
**KEDAH ISLAMIC ASSET MANAGEMENT BERHAD**  
(315167-P)

(Syarikat di dalam Kumpulan Permodalan Kedah Berhad)  
Diperbadankan di Malaysia di bawah Akta Syarikat 1965

**Pemegang Amanah**  
**CIMB Islamic Trustee Berhad**  
(167913-M)

**Prospektus Tambahan ini yang bertarikh 20 Oktober 2023 ("Prospektus Tambahan") dan hendaklah dibaca bersama-sama prospektus yang bertarikh 31 Mac 2019 ("Prospektus Utama")**

**Pelabur-pelabur adalah dinasihatkan supaya membaca dan memahami isi kandungan Prospektus Tambahan ini yang mana hendaklah dibaca bersama-sama Prospektus Utama sebelum melabur dalam Tabung Unit Amanah ini. Sekiranya ada sebarang keraguan, sila dapatkan pandangan daripada penasihat profesional.**

**Satu salinan Prospektus Tambahan ini dan Prospektus Utama telah didaftarkan dengan Suruhanjaya Sekuriti Malaysia. Kebenaran dan pendaftaran Prospektus Tambahan dan Prospektus Utama, tidak boleh dianggap sebagai menunjukkan bahawa Suruhanjaya Sekuriti Malaysia mengesyorkan Tabung Unit Amanah ini atau bertanggungjawab di atas kebenaran mana-mana kenyataan yang dibuat atau laporan yang dizahirkan di dalam Prospektus Tambahan dan Prospektus Utama.**

### **KENYATAAN TANGGUNGJAWAB**

Prospektus Tambahan ini telah disemak dan diluluskan oleh Pengarah-Pengarah Kedah Islamic Asset Management Berhad, pengurus Tabung Unit Amanah ini dan mereka secara bersama dan berasingan mengambil tanggungjawab sepenuhnya ke atas ketepatan semua maklumat yang dikemukakan. Setelah membuat semua pertanyaan yang munasabah, mereka mengesahkan bahawa berdasarkan kepada pengetahuan dan kepercayaan mereka, tiada kenyataan-kenyataan yang palsu atau mengelirukan, atau ketinggalan fakta-fakta lain yang mana akan membuat mana-mana kenyataan di dalam Prospektus Tambahan ini sebagai palsu atau mengelirukan.

### **KENYATAAN PENOLAK TUNTUTAN**

Suruhanjaya Sekuriti Malaysia telah memberi kebenaran kepada Tabung Amanah Saham Kedah (Tabung ASK) dan satu salinan Prospektus Tambahan ini telah didaftarkan dengan Suruhanjaya Sekuriti Malaysia.

Kebenaran dan pendaftaran Prospektus Tambahan ini tidak boleh dianggap sebagai menunjukkan bahawa Suruhanjaya Sekuriti Malaysia mengesyorkan Tabung ASK atau bertanggungjawab di atas kebenaran mana-mana kenyataan yang dibuat atau laporan yang dizahirkan di dalam Prospektus Tambahan ini.

Suruhanjaya Sekuriti Malaysia tidak akan dipertanggungjawabkan ke atas mana-mana bahagian yang tidak dizahirkan oleh syarikat pengurusan yang bertanggungjawab ke atas Tabung ASK dan tidak akan bertanggungjawab ke atas isi kandungan Prospektus Tambahan ini. Suruhanjaya Sekuriti Malaysia juga tidak membuat apa-apa representasi terhadap ketepatan atau kesempurnaan Prospektus Tambahan ini dan dengan nyata menegaskan menolak apa-apa liabiliti yang timbul dari, atau oleh kebergantungan ke atas kesemua atau mana-mana bahagian isi kandungan Prospektus Tambahan ini.

**PELABUR-PELABUR HENDAKLAH MEMBUAT PENELITIAN SENDIRI BAGI MENILAI KEBAIKAN SERTA RISIKO SESUATU PELABURAN. SEKIRANYA TIMBUL KERAGUAN SEMASA MEMPERTIMBANGKAN KEPUTUSAN UNTUK MEMBUAT PELABURAN, PELABUR-PELABUR HENDAKLAH MENDAPATKAN BANTUAN PENASIHAT PROFESIONAL DENGAN SEGERA.**

### **KENYATAAN TAMBAHAN**

Ini adalah Prospektus Tambahan kepada Prospektus Utama yang bertarikh 31 Mac 2019. Prospektus Tambahan ini hendaklah dibaca bersama-sama dengan Prospektus Utama seolah-olah Prospektus Tambahan ini adalah sebahagian daripada Prospektus Utama.

Pelabur-pelabur adalah dimaklumkan bahawa mereka boleh mendapatkan hak tuntutan di bawah Akta Pasaran Modal dan Perkhidmatan 2007 bagi kesalahan melanggar undang-undang sekuriti termasuk apa-apa kenyataan di dalam Prospektus Tambahan ini yang palsu, mengelirukan, atau daripadanya terdapat ketinggalan yang material; atau bagi apa-apa perbuatan yang mengelirukan atau memperdayakan berhubung dengan Prospektus Tambahan ini atau kelakuan mana-mana individu lain yang berkaitan dengan Tabung ASK ini.

Tabung ASK telah diperakui sebagai tabung unit amanah patuh Syariah oleh Majlis Penyeliaan Syariah yang telah dilantik untuk Tabung ini.

## PROSPEKTUS TAMBAHAN

### Nota Penerangan

Prospektus Tambahan ini diterbitkan bertujuan memaklumkan pelabur-pelabur perkara-perkara berikut:

- (1) Mengemaskini maklumat berhubung Had-Had Pelaburan.
- (2) Mengemaskini maklumat berhubung permohonan untuk menjual balik unit.
- (3) Mengemaskini maklumat berhubung hak tempoh bertenang.
- (4) Mengemaskini maklumat berhubung Ahli-Ahli Lembaga Pengarah Kedah Islamic Asset Management Berhad (KIAM).
- (5) Mengemaskini maklumat berhubung Ahli-Ahli Jawatankuasa Pelaburan KIAM.
- (6) Mengemaskini maklumat berhubung Ahli-Ahli Majlis Penyeliaan Syariah KIAM.
- (7) Mengemaskini maklumat berhubung Pengurus Dana Luaran Yang Dilantik Bertanggungjawab Ke Atas Pengurusan Pelaburan Tabung ASK.
- (8) Mengemaskini maklumat berhubung Surat Penasihat Cukai mengenai percukaian ke atas amanah saham ini dan pemegang-pemegang unit.
- (9) Mengemaskini maklumat berhubung Suratikatan Tabung ASK.

### A. PERINCIAN TABUNG ASK

|                                                              |
|--------------------------------------------------------------|
| <b>Muka surat 8 Prospektus Utama – 1.8 HAD-HAD PELABURAN</b> |
|--------------------------------------------------------------|

1. Maklumat HAD-HAD PELABURAN adalah dipinda dan dibaca seperti berikut:

| Instrumen Pelaburan Patuh Syariah                                                                                                                              | Maksima                                                                                                                                                                                                           | Syarat |
|----------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------|--------|
| Nilai pelaburan dalam saham biasa yang diterbitkan oleh mana-mana penerbit tunggal.                                                                            | 10% NAB Tabung                                                                                                                                                                                                    |        |
| Nilai pelaburan dalam sekuriti boleh pindah dan instrumen pasaran wang yang diterbitkan oleh mana-mana penerbit tunggal.                                       | 15% NAB Tabung                                                                                                                                                                                                    |        |
| Nilai pelaburan dalam deposit dengan mana-mana institusi kewangan tunggal.                                                                                     | 20% NAB Tabung                                                                                                                                                                                                    |        |
| Nilai agregat pelaburan dalam, atau pendedahan kepada, penerbit tunggal melalui:<br>a) sekuriti boleh pindah;<br>b) instrumen pasaran wang; dan<br>c) deposit. | 25% NAB Tabung ("had agregat penerbit tunggal")<br><br>(Untuk tujuan pengiraan had agregat penerbit tunggal, nilai pelaburan Tabung dalam instrumen yang dikeluarkan oleh penerbit yang sama mestilah dimasukkan) |        |
| Nilai pelaburan dalam sekuriti boleh pindah dan instrumen pasaran wang yang diterbitkan oleh mana-mana kumpulan syarikat                                       | 20% NAB Tabung ("had kumpulan")                                                                                                                                                                                   |        |

|                                                                                                   |                                                                                                                                                                                       |                                                                                                                                         |
|---------------------------------------------------------------------------------------------------|---------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------|
|                                                                                                   | (Untuk tujuan pengiraan had kumpulan, nilai pelaburan Tabung dalam instrumen yang dikeluarkan oleh penerbit di dalam kumpulan syarikat yang sama mestilah dimasukkan dalam pengiraan) |                                                                                                                                         |
| Pelaburan dalam saham atau sekuriti bersamaan dengan saham yang diterbitkan oleh penerbit tunggal | 10% daripada saham atau sekuriti yang bersamaan dengan saham, yang diterbitkan oleh penerbit tunggal berkenaan.                                                                       |                                                                                                                                         |
| Pelaburan dalam sukuk yang diterbitkan oleh seorang penerbit tunggal.                             | 20% daripada sukuk yang diterbitkan oleh penerbit tunggal berkenaan.                                                                                                                  | Had ini boleh diabaikan pada masa pemerolehan jika pada masa pemerolehan itu, jumlah kasar sukuk dalam terbitan tidak dapat ditentukan. |
| Pelaburan dalam instrumen pasaran wang yang diterbitkan oleh seorang penerbit tunggal.            | 10% daripada instrumen yang diterbitkan oleh penerbit tunggal berkenaan.                                                                                                              | Had ini tidak terpakai kepada instrumen pasaran wang yang tidak mempunyai saiz terbitan yang telah ditetapkan.                          |

**Aset Cair:** Tahap minima aset cair Tabung sebagaimana yang dipersetujui oleh Syarikat Pengurusan dan Pemegang Amanah adalah pada kadar 5% daripada NAB Tabung dan kedua-dua pihak berhak menyemak kadar tersebut dari semasa ke semasa.

**Pengecualian:** Tabung telah diberi pengecualian melanggan saham yang diperuntukkan oleh Kementerian Perdagangan Antarabangsa dan Industri atau Kementerian Kewangan Malaysia sehingga 30% modal berbayar syarikat tetapi tertakluk kepada had pegangan maksima sehingga 10% NAB Tabung.

**Nota:** Had pelaburan perlu dipatuhi pada setiap masa berdasarkan nilai pasaran terkini pelaburan Tabung. Sekiranya terdapat pelanggaran yang disebabkan oleh peningkatan atau susut nilai pelaburan, kesan belian unit atau bayaran yang dibuat oleh Tabung, perubahan dalam modal perbadanan syarikat di mana Tabung telah melabur atau penurunan taraf kredit atau pemberhentian taraf kredit, Syarikat Pengurusan akan membetulkan pelanggaran tersebut secepat mungkin dalam tempoh tiga (3) bulan dari tarikh pelanggaran tersebut. Walau bagaimanapun, had pelaburan tersebut tidak terpakai kepada sekuriti atau instrumen yang dikeluarkan atau dijamin oleh kerajaan Malaysia atau BNM.

## B. MAKLUMAT URUSNIAGA

### Muka surat 18 Prospektus Utama – 3.8 BAGAIMANA HENDAK MEMBELI DAN MENJUAL BALIK UNIT

1. Maklumat PERMOHONAN UNTUK MENJUAL BALIK UNIT adalah dipinda dan dibaca seperti berikut:

Pemegang unit boleh menjual balik unit mereka kepada Pengurus (KIAM) pada bila-bila masa di hari bekerja dengan mengisi Borang Permohonan Belian Balik yang terdapat di belakang sijil atau penyata pelaburan dan mengemukakan kepada pihak KIAM. Pengurus akan membeli balik unit-unit mengikut harga belian balik pada hari permohonan diterima. Bayaran untuk penebusan akan dibuat dalam tempoh 7 hari bekerja dari tarikh permohonan diterima. Sekiranya pembelian balik dibuat di kaunter KIAM, Pengurus akan membuat pembayaran pada hari yang sama bagi jumlah pembelian balik yang bernilai kurang daripada RM500.

|                                                                  |
|------------------------------------------------------------------|
| <b>Muka surat 18 Prospektus Utama – 3.9 HAK TEMPOH BERTENANG</b> |
|------------------------------------------------------------------|

2. Maklumat di perenggan ketiga HAK TEMPOH BERTENANG adalah dipinda dan dibaca seperti berikut:

Sekiranya Pemegang Unit yang menepati kriteria di atas menggunakan hak tempoh bertenang, Pengurus akan mengembalikan sepenuhnya wang pelabur bagi urusniaga pertama pembelian unit mengikut jumlah NAB seunit dicampur caj jualan yang telah dikenakan pada hari unit dibeli dahulu. Pengembalian wang pelabur akan dilakukan dalam tempoh 7 hari bekerja dari tarikh permohonan hak tempoh bertenang diterima dan terlaksana.

### C. PENGURUS TABUNG ASK

|                                                              |
|--------------------------------------------------------------|
| <b>Muka surat 21 Prospektus Utama – 4.2 LEMBAGA PENGARAH</b> |
|--------------------------------------------------------------|

1. Maklumat LEMBAGA PENGARAH adalah dipinda dan dibaca seperti berikut:

Lembaga Pengarah KIAM bertanggungjawab melaksanakan tugas mereka mengikut Akta Syarikat 1965. Pada 30 September 2023, Lembaga Pengarah dianggotai oleh 3 ahli yang mana 2 daripada mereka berupa ahli bebas. Tertakluk kepada perubahan keahlian dari semasa ke semasa, Lembaga Pengarah KIAM terdiri daripada:

| LEMBAGA PENGARAH KIAM                                      |                                        |
|------------------------------------------------------------|----------------------------------------|
| 1. Prof. Emeritus Dato' Wira Dr. Mohd. Salleh bin Haji Din | (Pengarah Bebas)                       |
| 2. Murshidah binti Mustafa                                 | (Pengarah Bebas)                       |
| 3. Adi Harriman bin Abdul Majid                            | (Pengarah Bukan Bebas/Ketua Eksekutif) |

### D. PENGURUS TABUNG ASK

|                                                                       |
|-----------------------------------------------------------------------|
| <b>Muka surat 22 Prospektus Utama – 4.2 PENGURUSAN PELABURAN KIAM</b> |
|-----------------------------------------------------------------------|

1. Maklumat JAWATANKUASA PELABURAN KIAM adalah dipinda dan dibaca seperti berikut:

#### Jawatankuasa Pelaburan KIAM

Peranan dan fungsi utama Jawatankuasa Pelaburan KIAM adalah seperti berikut:

- (i) bertanggungjawab dalam pengurusan pelaburan;
- (ii) merangka polisi dan strategi Tabung ASK;
- (iii) meneliti prestasi Tabung ASK;
- (iv) menyemak kedudukan ekonomi dan pasaran;
- (v) menentukan strategi pelaburan;
- (vi) mengkaji semula portfolio dan membincang isu-isu pelaburan berbangkit.

Jawatankuasa Pelaburan KIAM adalah tertakluk di bawah garis panduan Terma Rujukan Jawatankuasa Pelaburan KIAM dan sebarang pindaan terhadapnya dari semasa ke semasa.

#### Majlis Penyeliaan Syariah KIAM

Ditubuhkan bagi menasihati Pengurus berkaitan aspek Syariah agar pengurusan Tabung ASK tidak bercanggah dengan prinsip Islam. Sebagai amalan terbaik, Majlis Penyeliaan Syariah KIAM mensasarkan untuk bermesyuarat dan menyemak status pematuhan pengurusan Tabung ASK terhadap

prinsip Syariah, dua (2) kali setahun. Tertakluk kepada perubahan komposisi dan maklumat dari semasa ke semasa, ahli-ahli Majlis adalah seperti berikut:-

| <b>Dato' Setia Jaya Dato' Paduka Syeikh Hasbullah Bin Haji Abdul Halim</b>                                                                                                                                                                                                                                                                                                                                                                                                                                                                                                                                                                                                                         |                                                                                                                                                                                                                                           |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------|
| <b>Jawatan</b>                                                                                                                                                                                                                                                                                                                                                                                                                                                                                                                                                                                                                                                                                     | <ul style="list-style-type: none"> <li>• Pesara Kerajaan</li> </ul>                                                                                                                                                                       |
| <b>Kelayakan</b>                                                                                                                                                                                                                                                                                                                                                                                                                                                                                                                                                                                                                                                                                   | <ul style="list-style-type: none"> <li>• B.A. Kulliah Syariah Wal Qanun, Universiti Al-Azhar</li> <li>• Diploma Kehakiman &amp; Pentadbiran Syariah, Universiti Islam Antarabangsa</li> <li>• Syahadah Nihaiyah, Maktab Mahmud</li> </ul> |
| <p><b>Pengalaman</b> ➤ Dato' Paduka Syeikh Hasbullah berpengalaman luas berhubung undang-undang Syariah di mana beliau berupa mantan Mufti Negeri Kedah Darul Aman dari tahun 2002 hingga 2009. Beliau merupakan Pengerusi Persatuan Bekas Mahasiswa Islam Timur Tengah Kedah/Perlis, Ahli Jawatankuasa Lembaga Teks Al Quran Kementerian Dalam Negeri Malaysia dan pernah memegang jawatan sebagai Kadi Besar dan Ketua Hakim Syarie selama 7 tahun. Di samping itu, Dato' Paduka juga pernah dilantik sebagai Timbalan Kadi Besar, Setiausaha Baitulmal serta pelbagai jawatan lain di Negeri Kedah. Dato' Paduka telah menganggotai Majlis Penyeliaan Syariah KIAM sejak 28 September 2004.</p> |                                                                                                                                                                                                                                           |

  

| <b>Dato' Wira Syeikh Yahaya Bin Haji Jusoh</b>                                                                                                                                                                                                                                                                                                                                                                                                                                                                                               |                                                                                                                                                                                                                                         |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------|
| <b>Jawatan</b>                                                                                                                                                                                                                                                                                                                                                                                                                                                                                                                               | <ul style="list-style-type: none"> <li>• Pesara Kerajaan</li> </ul>                                                                                                                                                                     |
| <b>Kelayakan</b>                                                                                                                                                                                                                                                                                                                                                                                                                                                                                                                             | <ul style="list-style-type: none"> <li>• Lulusan B.A Azhar daripada Universiti Al-Azhar, Mesir (Pengajian Islam / Syariah)</li> <li>• Diploma Undang-Undang Pentadbiran dan Kehakiman Syariah, Universiti Islam Antarabangsa</li> </ul> |
| <p><b>Pengalaman</b> ➤ Dato' Wira Syeikh Yahaya merupakan bekas Ketua Hakim Syarie Negeri Kedah dan juga bekas Yang Di Pertua Jabatan Hal Ehwal Agama Islam Negeri Kedah. Beliau pernah memegang jawatan sebagai Kadi daerah Pendang, Bandar Baharu dan Kota Setar, Pendaftar Mahkamah Syariah Negeri Kedah, Timbalan Kadi Besar Kedah Utara dan Kedah Tengah serta Ketua Penerangan dan Dakwah Jabatan Hal Ehwal Agama Islam Negeri Kedah. Dato' Syeikh Yahaya telah menganggotai Majlis Penyeliaan Syariah KIAM sejak 1 November 1998.</p> |                                                                                                                                                                                                                                         |

  

| <b>Prof. Dr. Md. Amin bin Abdul Rahman</b>                                                                                                                                                                                                                                                                                                                                                                                           |                                                                                                                                                                                                                                                                                      |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Jawatan</b>                                                                                                                                                                                                                                                                                                                                                                                                                       | <ul style="list-style-type: none"> <li>• Pesara Profesor, Kulliyyah Syariah &amp; Undang-Undang, Universiti Insaniah</li> </ul>                                                                                                                                                      |
| <b>Kelayakan</b>                                                                                                                                                                                                                                                                                                                                                                                                                     | <ul style="list-style-type: none"> <li>• Ph.D (Syariah), Universiti Kebangsaan Malaysia</li> <li>• Sarjana Pengajian Islam (Dakwah dan Kepimpinan), Universiti Kebangsaan Malaysia</li> <li>• Al Ijazah Al Aliyah (Fi Al Shariah Wa Al Qanun), University Al Azhar, Mesir</li> </ul> |
| <p><b>Pengalaman</b> ➤ Prof. Dr. Md. Amin berpengalaman luas berhubung pendidikan Undang-undang Islam. Beliau pernah memegang jawatan sebagai seorang guru di Sekolah Menengah Georgetown, Pulau Pinang dan Pensyarah di Pusat Pendidikan Islam, Universiti Teknologi MARA. Prof. Dr. Md. Amin aktif menulis dan menerbitkan beberapa buku ilmiah Islam dan telah menganggotai Majlis Penyeliaan Syariah KIAM sejak 27 Mei 2015.</p> |                                                                                                                                                                                                                                                                                      |

LEBIHAN MUKASURAT INI SENGAJA DIBIARKAN KOSONG

## **Pengurus Dana Luaran Yang Dilantik Bertanggungjawab Ke Atas Pengurusan Pelaburan Tabung ASK**

KAF Investment Funds Berhad (KIFB) telah dilantik sebagai Pengurus Dana Luaran yang bertanggungjawab ke atas pengurusan pelaburan Tabung ASK. Sebagai Pengurus Dana Luaran, mereka bertanggungjawab ke atas pengurusan aset, pemilihan pelaburan dan pelaksanaan keputusan pelaburan. Mereka juga dikehendaki melaporkan secara harian kepada Pengurus mengenai butiran semua transaksi pelaburan bagi membolehkan Pengurus membuat pengiraan NAB Tabung ASK. Selain daripada itu, KIFB juga dikehendaki menyediakan laporan bulanan untuk dikemukakan kepada Jawatankuasa Pelaburan KIAM.

KIAM telah melantik KIFB sebagai Pengurus Dana Luaran bagi Tabung ASK berkuatkuasa 15 Mac 2018. KIFB menguruskan 100% pengurusan pelaburan Tabung ASK mengikut terma Perjanjian Pengurusan Pelaburan yang telah ditandatangani.

Bagi pengurusan pelaburan yang diberikan, KIFB mendapat yuran pengurusan pada kadar 0.30% daripada NAB Tabung ASK setahun. Yuran tersebut akan diakru secara harian pada setiap suku kalendar bagi tempoh tersebut termasuk hari terakhir suku kalendar itu.

### **Profil Korporat KIFB**

KIFB adalah pemegang Lesen Perkhidmatan Pasaran Modal di bawah Akta Pasaran Modal dan Perkhidmatan 2007. KIFB menjadi anak syarikat milik KAF Seagroatt & Campbell Berhad, berkuatkuasa mulai pada 15 April 2013 melalui pengambilalihan kepentingan majoriti dalam Alliance Investment Management Berhad. Alliance Investment Management Berhad kemudiannya dinamakan sebagai KAF Investment Funds Berhad lantaran perubahan pemilikan tersebut.

KIFB telah mengumpulkan lebih daripada 25 tahun pengalaman dalam pengurusan dana dengan pelancaran KAF First Fund pada tahun 1996.

Pada 30 September 2023, KIFB mempunyai 16 skim pelaburan kolektif dalam rangkaian penawarannya yang meliputi pelbagai jenis dana dengan profil risiko yang berlainan. KIFB menawarkan skim pelaburan kolektif, iaitu dana konvensional dan dana patuh Syariah.

### **Pendakwaan Dan Pengadilan**

Pada 30 September 2023, KIFB tidak terlibat dalam sebarang litigasi dan timbang tara yang signifikan, termasuk mana-mana yang ditangguh atau terancam, dan sebarang fakta yang mungkin membawa kepada tindakan undang-undang, yang mana mungkin boleh menjejaskan perniagaan / kedudukan kewangan KIFB.

### **Pengurus Dana KIFB Yang Dilantik ("Designated Person") Bertanggungjawab Ke Atas Pengurusan Pelaburan Tabung ASK**

Encik Ahmad Tajuddin bin Yeop Aznan mempunyai lebih daripada 10 tahun pengalaman pelaburan dalam ekuiti dan sekuriti pendapatan tetap. Sebelum menyertai KIFB, beliau merupakan pengurus portfolio ekuiti di Kenanga Islamic Investors Berhad, bertanggungjawab bagi semua dana unit amanah Islam dan mandat persendirian. Sebelum itu, beliau bersama CIMB Principal Islamic Asset Management Berhad, menguruskan portfolio sukuk global. Beliau merupakan rakan ahli Association of Chartered Certified Accountants, United Kingdom. Beliau berkelulusan Sarjana Muda Sains dengan kepujian dalam Applied Accounting daripada Oxford Brookes University dan memiliki lesen Wakil Perkhidmatan Pasaran Modal untuk menjalankan aktiviti terkawal pengurusan dana.

## E. PERCUKAIAN KE ATAS TABUNG ASK

|                                                                  |
|------------------------------------------------------------------|
| <b>Muka surat 35 Prospektus Utama – 9. SURAT PENASIHAT CUKAI</b> |
|------------------------------------------------------------------|

1. Maklumat SURAT PENASIHAT CUKAI adalah dipinda dan dibaca seperti berikut:

12 Oktober 2023

Lembaga Pengarah  
Kedah Islamic Asset Management Berhad  
No. 178-180 Lebuhraya Sultanah Bahiyah  
05350 Alor Star  
Kedah Darul Aman

Tuan,

### **PERCUKAIAN AMANAH SAHAM DAN PEMEGANG-PEMEGANG UNIT**

Surat ini telah disediakan untuk disertakan bersama Prospektus Tambahan ini yang akan bertarikh 20 Oktober 2023, berhubung dengan tawaran unit-unit dalam amanah saham ini yang dikenali sebagai Amanah Saham Kedah (selepas ini disebut sebagai "Dana").

Tujuan surat ini ialah untuk memberi gambaran secara am kepada bakal pemegang-pemegang unit mengenai kesan percukaian Dana ini dan pemegang-pemegang unit.

#### **Percukaian Dana**

Percukaian Dana ini adalah tertakluk kepada peruntukan-peruntukan Akta Cukai Pendapatan 1967 ("ACP"), khususnya, Seksyen-seksyen 61 (Amanah secara am) dan 63B (Potongan khas bagi perbelanjaan) Akta tersebut.

Dana-dana ini dianggap sebagai pemastautin bagi tujuan percukaian Malaysia kerana Pemegang Amanah Dana adalah pemastautin di Malaysia di bawah Seksyen 63(1) Akta tersebut.

Di bawah Seksyen 2(7) ACP, sebarang rujukan kepada "faedah" juga merangkumi secara mutatis mutandis, laba atau keuntungan yang diterima dan perbelanjaan yang dibuat, sebagai ganti faedah, dalam transaksi-transaksi yang dijalankan mengikut prinsip-prinsip Syariah.

Ini bermakna, sebarang laba atau keuntungan yang diterima (selepas ini disebut sebagai "laba") dan perbelanjaan yang dilakukan, sebagai ganti faedah, dalam transaksi-transaksi yang dijalankan mengikut prinsip-prinsip Syariah akan diberi perlakuan cukai yang sama sepertimana yang diberikan kepada faedah.

Tertakluk kepada pengecualian tertentu, pendapatan yang diterima oleh Dana yang terdiri daripada pendapatan laba dan pendapatan pelaburan lain, yang diperolehi atau terakru di Malaysia setelah ditolak perbelanjaan yang layak diberi potongan cukai, adalah tertakluk kepada cukai pendapatan di Malaysia pada kadar 24%<sup>1</sup>.

Perbelanjaan yang layak diberi potongan cukai adalah merangkumi perbelanjaan di bawah Seksyen 33(1) dan Seksyen 63B ACP. Seksyen 33(1) adalah peruntukan am yang membenarkan potongan cukai ke atas perbelanjaan-perbelanjaan yang dilakukan keseluruhannya dan semata-matanya untuk penghasilan pendapatan kasar daripada sumber yang berkenaan. Seksyen 63B pula membenarkan amanah saham mendapat potongan ke atas sebahagian daripada perbelanjaan-perbelanjaan lain (dirujuk sebagai "perbelanjaan yang dibenarkan") yang tidak berkait secara langsung kepada penghasilan pendapatan, seperti yang dijelaskan di bawah.

"Perbelanjaan yang dibenarkan" merujuk kepada perbelanjaan-perbelanjaan berikut yang dilakukan oleh Dana yang tidak layak mendapat potongan di bawah peruntukan Seksyen 33(1), ACP :

1. Gajaran pengurus
2. Pengendalian daftar pemegang-pemegang unit
3. Perbelanjaan pendaftaran saham
4. fee-fee sekretarial, audit dan perakaunan, caj telefon, kos percetakan dan alat tulis dan bayaran pos.



Perbelanjaan-perbelanjaan yang dibenarkan ini diberi potongan di bawah peruntukan Seksyen 63B ACP mengikut formula berikut:

$$A \times \frac{B}{4C}$$

di mana A adalah jumlah perbelanjaan yang dibenarkan dilakukan bagi tempoh asas itu;

- B. adalah pendapatan kasar yang terdiri daripada dividen<sup>2</sup>, faedah dan sewa yang boleh dikenakan cukai bagi tempoh asas itu; dan
- C. ialah agregat pendapatan kasar yang terdiri daripada dividen<sup>2</sup> dan faedah (sama ada dividen atau faedah tersebut dikecualikan daripada cukai atau tidak) sewa, dan keuntungan yang diperolehi daripada realisasi pelaburan-pelaburan (sama ada boleh dikenakan cukai atau tidak) bagi tempoh asas itu.

dengan syarat bahawa,

- a) jumlah potongan yang dibuat hendaklah tidak kurang daripada 10% daripada jumlah perbelanjaan yang dibenarkan untuk tempoh asas itu; dan
- b) jika, oleh sebab ketiadaan atau ketidakcukupan pendapatan agregat untuk tahun taksiran itu, kesan tidak boleh diberikan sepenuhnya kepada sebarang potongan jatuh untuk dibuat kepada unit amanah di bawah seksyen ini untuk tahun itu potongan yang belum dibuat sedemikian hendaklah tidak dibuat kepada unit amanah untuk mana-mana tahun taksiran berikutnya.

#### **Pendapatan yang dikecualikan**

Pendapatan-pendapatan berikut yang diterima oleh Dana adalah dikecualikan cukai:

- **Dividen berpunca daripada sumber di Malaysia**

- a) Sistem satu peringkat diperkenalkan mulai 1.1.2008 dan semua dividen yang diagihkan oleh syarikat mastautin dikecualikan cukai di Malaysia.
- b) Unit amanah juga menerima dividen yang dikecualikan cukai. Dividen yang dikecualikan cukai boleh diterima daripada pelaburan dalam syarikat yang pernah menikmati atau sedang menikmati pelbagai jenis insentif yang dibenarkan di bawah undang-undang yang relevan.

- **Faedah (laba) berpunca daripada sumber di Malaysia**

Pendapatan faedah yang diterima dinilai dan dikenakan cukai kecuali pengecualian diberikan kepada unit amanah, seperti:

- a) apa-apa sijil simpanan yang diterbitkan oleh Kerajaan [peranggan 19, Jadual 6 ACP 1967],
- b) sekuriti atau bon yang diterbitkan atau dijamin oleh kerajaan [subperenggan 35(a), Jadual 6 ACP 1967],
- c) debentur atau sekuriti Islam, selain daripada stok pinjaman boleh tukar, diluluskan oleh Suruhanjaya Sekuriti [subperenggan 35(b), Jadual 6 ACP 1967],
- d) Bon Simpanan Malaysia yang dikeluarkan oleh Bank Negara Malaysia [subperenggan 35(d), Jadual 6 ACP 1967],
- e) faedah yang diterbitkan daripada Malaysia dan dibayar atau dikreditkan oleh mana-mana bank atau institusi kewangan berlesen di bawah Akta Bank dan Institusi-Institusi Kewangan 1989 atau Akta Bank Islam 1983 [subperenggan 35A, Jadual 6 ACP 1967],

- f) bon dan sekuriti yang diterbitkan oleh Pengurusan Danaharta Nasional Berhad [Perintah Cukai Pendapatan (Pengecualian) (No.5) 2001 [P.U.(A) 220/2001],
- g) sekuriti Islam (termasuk sukuk) yang berasal daripada Malaysia, selain daripada stok pinjaman boleh tukar, diterbitkan dalam mana-mana mata wang selain daripada ringgit dan diluluskan oleh suruhanjaya sekuriti atau Pihak Berkuasa Perkhidmatan Kewangan Luar Pesisir Labuan [subperenggan 33B, Jadual 6 ACP 1967],
- h) apa-apa pendapatan yang diterima oleh tabung daripada sukuk terbitan yang telah diterbitkan oleh Malaysia Global Sukuk Inc. [Perintah Cukai Pendapatan (Pengecualian) (No. 31) 2002], dan
- i) apa-apa pendapatan yang diterima oleh tabung daripada sukuk ijarah, selain daripada stok pinjaman boleh ubah, yang diterbitkan dalam mana-mana mata wang oleh 1Malaysia Sukuk Global Berhad – [Perintah Cukai Pendapatan (Pengecualian) 2010].

#### • Diskaun

Berdasarkan Pengecualian Cukai Pendapatan (No.6) Order 2003, mulai daripada tahun taksiran 1999, diskaun atau keuntungan yang diterima daripada penjualan bon atau sekuriti yang dikeluarkan oleh Pengurusan Danaharta Nasional Berhad / Danaharta Urus Sdn Bhd di dalam dan di luar Malaysia adalah dikecualikan cukai.

#### Pendapatan sumber asing

Dividen, laba serta lain-lain pendapatan yang berpunca daripada sumber-sumber di luar Malaysia dan diterima di Malaysia oleh amanah saham yang bermastautin di Malaysia dikecualikan daripada cukai pendapatan di Malaysia (perenggan 28 Jadual 6 ACP 1967). Walau bagaimanapun, pendapatan tersebut mungkin tertakluk kepada percukaian di negara dari mana ianya diperolehi.

Mulai 1 Januari 2022, pendapatan punca luar Malaysia yang diremitkan ke Malaysia oleh pemastautin adalah tertakluk kepada cukai pendapatan. Pemastautin Malaysia yang meremitkan pendapatan punca luar Malaysia ke Malaysia dalam tempoh 1.1.2022 sehingga 30.6.2022 layak menikmati kadar cukai 3% atas amaun pendapatan kasar yang diremitkan. Selepas 30.6.2022, kadar cukai biasa yang dikenakan kepada pembayar cukai adalah terpakai.

Pendapatan punca luar Malaysia yang diterima di Malaysia yang telah dikenakan cukai sama ada secara pengenaan cukai pegangan atau cukai pendapatan di luar Malaysia boleh menuntut kredit cukai dua belah pihak atau sebelah pihak di bawah peruntukan seksyen 132 dan 133 ACP 1967. Gunakan kadar pertukaran wang asing pada tarikh peremitan pendapatan dilakukan bagi mengisi ruangan Jumlah Cukai Dikenakan di Negara Asal. Pemastautin yang menuntut kredit cukai mesti menyimpan bukti bahawa cukai luar negara telah dikenakan ke atas pendapatan tersebut untuk rujukan / semakan sekiranya diperlukan kelak.

Jenis pendapatan punca luar Malaysia yang terlibat termasuklah dividen, faedah, diskaun, sewa, royalti, premium dan pendapatan lain. Letakkan jumlah kasar amaun pendapatan yang diremitkan mengikut kadar tukaran mata wang pada tarikh pendapatan diremitkan.

#### Keuntungan daripada realisasi pelaburan-pelaburan

Mengikut perenggan 61(1)(b) ACP 1967, keuntungan daripada realisasi pelaburan oleh unit amanah tidak akan dianggap sebagai pendapatan tabung dan tidak tertakluk kepada cukai. Walau bagaimanapun, keuntungan daripada realisasi pelaburan-pelaburan ini mungkin dikenakan cukai keuntungan harta tanah di bawah Akta Cukai Keuntungan Harta Tanah 1976 ("Akta CKHT"), sekiranya keuntungan tersebut diterima daripada jualan aset-aset yang boleh dikenakan cukai, sepertimana yang diperuntukkan di dalam Akta CKHT.

Berkuatkuasa dari 1 Januari 2014, apa-apa keuntungan daripada pelupusan hartanah ("aset yang boleh dikenakan cukai") atau saham dalam syarikat hartanah "aset yang boleh dikenakan cukai" akan tertakluk kepada cukai keuntungan harta tanah. Menurut Bahagian II Jadual 5 Akta Keuntungan Harta Tanah 1976, kadar cukai CKHT adalah seperti berikut:

| Bagi Tahun Taksiran 2023 |                                                                                                                                                         |
|--------------------------|---------------------------------------------------------------------------------------------------------------------------------------------------------|
| Masa Pelupusan           | Syarikat yang diperbadankan di Malaysia atau pemegang amanah atau kumpulan orang yang didaftarkan di bawah mana-mana undang-undang bertulis di Malaysia |
| Dalam tempoh 2 tahun     | 30%                                                                                                                                                     |

|                                   |     |
|-----------------------------------|-----|
| Dalam tempoh 3 tahun              | 30% |
| Dalam tahun ke - 4                | 20% |
| Dalam tahun ke - 5                | 15% |
| Dalam tahun ke — 6 dan seterusnya | 10% |

#### **Amanah Pelaburan Hartanah ("REIT")**

Menurut Seksyen 61A Akta Cukai Pendapatan 1967, jumlah pendapatan dari unit amanah bagi satu tahun taksiran akan dikecualikan daripada cukai jika sembilan puluh peratus (90%) atau lebih daripada jumlah pendapatan tersebut diagihkan kepada pemegang unit.

#### **Cukai pegangan ("WHT")**

Cukai Pegangan ialah satu amaun yang dipegang oleh pembayar terhadap pendapatan yang diterima oleh penerima bukan pemastautin (individu/badan selain individu) dan dibayar kepada Lembaga Hasil Dalam Negeri Malaysia.

Akta Cukai Pendapatan, 1967 memperuntukkan bahawa apabila seseorang (merujuk sebagai "pembayar") layak membuat bayaran berjenis seperti disenaraikan di bawah ini (kecuali bayaran kepada seniman kembara tidak bermastautin) kepada seorang tidak bermastautin (penerima Tidak Bermastautin), beliau hendaklah memotong cukai pegangan dengan kadar tertentu daripada bayaran itu dan (sama ada atau tiada cukai dipotong) membayar cukai itu kepada Ketua Pengarah Hasil Dalam Negeri dalam tempoh satu bulan selepas bayaran itu dibayar atau dikreditkan kepada penerima Tidak Bermastautin.

#### **Jenis Bayaran Tertakluk Kepada Cukai Pegangan dan Kadar Cukai Pegangan Ke Atas Penerima Tidak Bermastautin :**

| Jenis Bayaran                                                                                                              | Kadar Cukai Pegangan | Akta Cukai Pendapatan 1967      |
|----------------------------------------------------------------------------------------------------------------------------|----------------------|---------------------------------|
| Bayaran Kontrak                                                                                                            | 10%, 3%              | Seksyen 107A(1)(a) & 107A(1)(b) |
| Faedah                                                                                                                     | 15%                  | Seksyen 109                     |
| Royalti                                                                                                                    | 10%                  | Seksyen 109                     |
| Pendapatan tertentu kelas khas : Bayaran teknikal, Bayaran perkhidmatan, Sewa / bayaran untuk menggunakan harta boleh alih | 10%                  | Seksyen 109B                    |
| Faedah (kecuali faedah yang dikecualikan) dibayar oleh institusi kewangan yang diluluskan                                  | 5%                   | Seksyen 109C                    |
| Pendapatan seniman kembara tidak bermastautin                                                                              | 15%                  | Seksyen 109A                    |
| Pelaburan Amanah Hartanah (REIT)                                                                                           |                      |                                 |
| • Syarikat Bukan Pemastautin                                                                                               | 24%                  | Seksyen 109D                    |
| • Pelabur Institusi Asing berkuatkuasa mulai 1/1/2007                                                                      | 10%                  |                                 |
| • Selain daripada Syarikat Bermastautin                                                                                    | 10%                  |                                 |
| Dana Keluarga/Dana Takaful Keluarga/Dana Am                                                                                |                      |                                 |
| • Individu dan lain-lain                                                                                                   | 8%                   | Seksyen 109E                    |
| • Syarikat tidak bermastautin                                                                                              | 25%                  |                                 |
| Pendapatan di bawah seksyen 4(f) ACP 1967                                                                                  | 10%                  | Seksyen 109F                    |

#### **Cukai jualan dan perkhidmatan ("CJP")**

Cukai Jualan berkadar 10% (kadar secara umum) atau 5% adalah dikenakan ke atas barang-barang yang dikenakan cukai yang dikeluarkan di Malaysia oleh orang yang dikenakan cukai dan dijual, digunakan atau dilupuskan olehnya dan juga barang-barang yang dikenakan cukai yang diimport ke Malaysia, melainkan dikecualikan secara khusus di bawah Akta Cukai Jualan 2018 (Barangan yang dikecualikan dari Cukai).

Cukai Perkhidmatan tertakluk kepada perkhidmatan yang dikenakan cukai, disediakan di Malaysia dan oleh orang yang mendaftar untuk menjalankan perniagaannya. Kadar cukai perkhidmatan di Malaysia adalah tetap sebanyak 6%. Kadar spesifik dikenakan ke atas pengeluaran atau tambahan kad kredit atau perkhidmatan caj kad.

Berdasarkan Akta Cukai Perkhidmatan 2018, badan amanah tidak diklasifikasikan sebagai individu yang dikenakan cukai. Malah tidak juga diklasifikasikan sebagai individu yang menawarkan perkhidmatan percukaian dan individu berkenaan tidak bertanggungjawab untuk mendaftar CJP.

Dana yang melibatkan perbelanjaan seperti yuran pengurusan dan perkhidmatan pengurusan yang disediakan oleh pengurus dana dan aset adalah tidak tertakluk kepada Cukai Perkhidmatan. Lain-lain yuran seperti yuran pemegang amanah dan lain-lain caj pentadbiran adalah tertakluk kepada Cukai Perkhidmatan dengan kadar 6% (tertakluk kepada individu yang layak dikenakan cukai dengan pendapatan cukai berjumlah RM500,000 setahun).

### **Percukaian pemegang-pemegang unit**

Untuk tujuan cukai pendapatan Malaysia, pemegang-pemegang unit akan ditaksir ke atas pengagihan yang diterima daripada Dana.

Secara amnya, pendapatan pemegang-pemegang unit terdiri daripada kategori seperti berikut:

1. Pengagihan yang boleh dikenakan cukai;
2. Pengagihan yang tidak dikenakan cukai dan yang dikecualikan daripada cukai; dan
3. Pendapatan yang tidak diagihkan.

Juga, pemegang-pemegang unit mungkin memperoleh keuntungan daripada penjualan unit-unit Dana.

Implikasi percukaian terhadap setiap kategori pendapatan yang tersebut di atas adalah dijelaskan di bawah.

#### **1. Pengagihan yang boleh dikenakan cukai**

Pengagihan yang diterima daripada Dana perlu dikasarkan ("grossed up") untuk mengambilkira cukai yang dikenakan ke atas Dana ("the underlying tax paid by the Fund"). Seterusnya, pemegang unit akan dikenakan cukai ke atas amaun yang telah dikasarkan.

Kredit cukai (tax credit) dari pengagihan tersebut boleh digunakan untuk mengurangkan cukai pendapatan yang perlu dibayar oleh pemegang unit. Jika kredit cukai melebihi tanggungan cukai pemegang unit, lebihan tersebut akan dibayar balik kepada pemegang unit.

Sila rujuk kepada perenggan di bawah untuk kadar cukai yang ditetapkan.

#### **2. Pengagihan yang tidak dikenakan cukai dan yang dikecualikan cukai**

Pemegang-pemegang unit tidak akan dikenakan cukai pendapatan di Malaysia ke atas pengagihan yang dibuat daripada keuntungan realisasi pelaburan-pelaburan dan pendapatan yang dikecualikan cukai yang diperolehi oleh Dana. Pengagihan pendapatan asing juga akan dikecualikan ke atas pemegang unit.

Jenis-jenis pendapatan dikecualikan cukai ke atas pemegang unit adalah seperti berikut :-

- a) Sebahagian pendapatan faedah dan pendapatan daripada sumber asing adalah dikecualikan cukai di peringkat unit amanah. Pemegang unit yang menerima pengagihan pendapatan yang dikecualikan cukai tersebut tidak tertakluk kepada cukai pendapatan.
- b) Pelupusan pelaburan oleh Dana unit amanah tidak tertakluk kepada cukai. Agihan keuntungan daripada pelupusan itu dikecualikan cukai ke atas pemegang-pemegang unit.
- c) Sebarang keuntungan yang diperolehi oleh pemegang unit atas penjualan, pemindahan atau penebusan unit amanah adalah dianggap sebagai keuntungan modal dan tidak tertakluk kepada cukai pendapatan kecuali syarikat-syarikat insuran, institusi-institusi kewangan atau pemegang unit yang terbabit di dalam perniagaan saham atau sekuriti.
- d) Terbitan bonus unit yang sama ada :-
  - Mewakili sebahagian daripada pelaburan sedia ada pemegang unit kepada nombor unit-unit yang lebih besar, atau
  - Pengagihan keuntungan tidak nyata sebagai unit-unit tambahan.
  - Walau bagaimanapun, jika terbitan bonus bagi unit-unit mewakili pengagihan pendapatan diperolehi daripada pelaburan unit amanah, unit-unit ini akan tertakluk kepada cukai.

- e) Pemegang unit yang memilih untuk menerima agihan pendapatan mereka melalui pelaburan dalam bentuk pembelian unit baru akan dianggap sebagai telah membeli unit baru daripada pengagihan pendapatan selepas cukai. Pecahan unit yang dikeluarkan oleh Dana tidak dikenakan cukai ke atas pemegang unit.

### 3. Pendapatan yang tidak diagihkan

Pemegang unit tidak dikenakan cukai ke atas pendapatan atau keuntungan dana yang tidak diagihkan.

#### Pemfailan borang cukai pendapatan

Pemegang unit perlu mengisytiharkan pengagihan boleh dikenakan cukai mereka daripada unit amanah bersama-sama dengan pendapatan dari sumber-sumber lain dalam borang cukai pendapatan berkaitan mereka.

#### Kadar-kadar cukai

Cukai Malaysia yang dikenakan ke atas pemegang-pemegang unit adalah bergantung kepada taraf bermastautin cukai serta sama ada pemegang-pemegang unit adalah seorang individu, badan korporat atau badan amanah. Kadar cukai yang dikenakan adalah seperti berikut :

| Pemegang unit                                                                                                                                                                                                                       | Kadar cukai di Malaysia                                                                                                                                                                                                                      |
|-------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------|
| <p>Pemastautin di Malaysia :</p> <ul style="list-style-type: none"> <li>Individu dan badan-badan bukan korporat (seperti koperasi, pertubuhan dan persatuan)</li> <li>Koperasi</li> <li>Badan amanah</li> </ul>                     | <ul style="list-style-type: none"> <li>Kadar cukai secara progresif, iaitu dari 0% kepada 30%</li> <li>Kadar cukai secara progresif, iaitu dari 0% kepada 24%</li> <li>24%</li> </ul>                                                        |
| <p>Pemegang unit korporat:</p> <p>(i) Syarikat dengan modal berbayar yang terdiri dari saham biasa tidak melebihi RM2.5 juta (pada permulaan tempoh asas tahun taksiran)</p> <p>(ii) Syarikat selain dari perenggan (i) di atas</p> | <ul style="list-style-type: none"> <li>Bagi pendapatan bercukai RM150,000 yang pertama @ 15%</li> <li>Pendapatan bercukai RM450,000 yang seterusnya @ 17%</li> <li>Pendapatan bercukai yang melebihi RM600,000 @ 24%</li> <li>24%</li> </ul> |
| <p>Bukan pemastautin di Malaysia:</p> <p>(i) Individu dan badan-badan bukan korporat</p> <p>(ii) Pemegang unit korporat dan badan amanah</p>                                                                                        | <ul style="list-style-type: none"> <li>24%</li> <li>24%</li> </ul>                                                                                                                                                                           |

#### Had untuk Kerugian Bawa Ke Hadapan dan Elaun Modal

| Jenis                    | Cara                                                                                                                                                                                                |
|--------------------------|-----------------------------------------------------------------------------------------------------------------------------------------------------------------------------------------------------|
| Kerugian Bawa Ke Hadapan | Kerugian perniagaan yang tidak diserap / Elaun Modal hanya boleh di bawa ke hadapan untuk 10 tahun berturut-turut dan jumlah selebihnya tidak akan dikira. (Berkuatkuasa mulai tahun taksiran 2019) |
| Elaun Modal              |                                                                                                                                                                                                     |

Nota :

Pemegang-pemegang unit bukan pemastautin mungkin dikenakan cukai di negara masing-masing. Layanan cukai ini tertakluk kepada peruntukan perundangan cukai di negara mereka setelah mengambil kira mana-mana perjanjian cukai dua kali dengan Malaysia yang sedia ada.

Dengan ini, kami mengesahkan bahawa pada tarikh surat ini segala kenyataan yang dibuat di dalam laporan ini menepati pemahaman kami mengenai kedudukan cukai di bawah perundangan cukai Malaysia termasuk penafsiran dan amalan yang berkaitan, di mana ke semuanya ini tertakluk kepada pindaan yang mungkin berkuatkuasa secara retrospektif. Kami tidak dilantik seterusnya atau bertanggungjawab untuk mengawasi atau mengemaskini kenyataan-kenyataan dalam surat ini untuk keadaan masa hadapan yang mungkin ada kesan terhadap kenyataan-kenyataan tersebut.

Kenyataan-kenyataan yang dibuat di dalam surat ini tidak bertujuan sebagai suatu analisa lengkap mengenai kesan cukai ke atas pelabur dalam Dana ini. Memandangkan situasi setiap pelabur mungkin berbeza, kami mengesyorkan agar para pelabur mendapatkan nasihat bebas ("independent advice") berkenaan dengan isu-isu percukaian yang berkaitan dengan pelaburan di dalam Dana ini.

Yang benar,  
**PKF TAX SERVICES SDN. BHD.**

DANIEL SOO  
Pengarah

PKF Tax Services Sdn. Bhd. telah memberi persetujuan untuk menyertakan Surat Penasihat Cukai di dalam konteks dan bentuk ianya disiarkan dalam Prospektus Tambahan ini dan tidak menarik balik kebenaran tersebut sebelum tarikh Prospektus Tambahan ini diterbitkan.

LEBIHAN MUKASURAT INI SENGAJA DIBIARKAN KOSONG

## F. MAKLUMAT TAMBAHAN

### Muka surat 44 Prospektus Utama – 10.3 SENARAI PENERBITAN SURATIKATAN TABUNG ASK

1. Maklumat SENARAI PENERBITAN SURATIKATAN TABUNG ASK adalah dipinda dan dibaca seperti berikut:

| SURATIKATAN TABUNG ASK                                            |                  |
|-------------------------------------------------------------------|------------------|
| Senarai Penerbitan                                                | Tarikh           |
| Suratikatan Tambahan ASK Keenam (Sixth Supplemental Deed)         | 6 Julai 2023     |
| Suratikatan Tambahan ASK (Supplemental Deed)                      | 27 Februari 2014 |
| Suratikatan Utama ASK Keempat (Fourth Amended Trust Deed)         | 25 Ogos 1999     |
| Suratikatan Tambahan ASK Ketiga (Third Supplementary Trust Deed)  | 1 Mac 1999       |
| Suratikatan Tambahan ASK Kedua (Second Supplementary Trust Deed)  | 29 Februari 1996 |
| Suratikatan Tambahan ASK Pertama (First Supplementary Trust Deed) | 14 Ogos 1995     |
| Suratikatan Utama ASK (Trust Deed)                                | 24 Februari 1995 |

## G. KEIZINAN

1. Kenyataan tambahan berhubung keizinan adalah dibaca seperti berikut:

Ahli-Ahli Lembaga Pengarah KIAM dan Ahli-Ahli Majlis Penyeliaan Syariah KIAM, Pengurus Dana Luaran yang dilantik dan bertanggungjawab ke atas pengurusan pelaburan Tabung ASK serta Penasihat Cukai Tabung ASK telah memberikan dan tidak menarik balik persetujuan mereka untuk pengeluaran Prospektus Tambahan ini.

LEBIHAN MUKASURAT INI SENGAJA DIBIARKAN KOSONG